

Powšitkowne WOZJEWJENJA

njedźelu, 20. septembra 2015

Poslednje předstajenje pasionskeje hry na farskej zahrodze w Chrósćicach

Towarstwo Cyrila a Metoda z.t. a Chróšćanska wosada přeprašujetej wšitkich wutrobnje na poslednje předstajenje pasionskeje hry pod heslom „Wy sće swětlo swěta“ tutu njedźelu, 20. septembra, w 19.30 hodź. Hrač budže so pod hołym njebjom na farskej zahrodze w Chrósćicach. Simultany přeložk do němčiny so na wšitkich dnjach poskićuje.

Film wo prawizniku Jurju Rjenču

Wo serbskim prawizniku Jurju Rjenču jedna film telewizije MDR „Stalin, Tito und mein Vater“ srjedu, 23. septembra, w 21.15 hodź. Dokumentarny film wusyla so w rjedze „Spur der Ahnen“ a zaběra so ze žiwjenskim wosudom Jurja Rjenča z Budyšina. Po jeho smjerći nańdžeštej jeho dźowce Ludmiła Bizoldowa a Hańža Winterowa w knižnym kamorje wšelake zajimawe podložki, kotrež na to pokazuja, zo je so Jurij Rjenč po Druhej swětowej wójnje prócował, swojski serbski stat založić.

Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprašuje tež lětsa na wosebity nyšpor domchowanki z požohnowanjom konjacych zapřahow. Tutón budže njedźelu, 27. septembra, w 14 hodź. w Chrósćicach na łuce při Hatkach. Nyšpor wuhotuja Chróšćanscy wosadni dujerjo a wosadna šola. Po nyšporje móža sej zajimcy hišće wustajeńcu „790 lět Chróšćanska wosada“ w Hórnikowym domje wobhladać.

Projektowy dzeń k skrućenju dźěći

Wšitke dźěći wot předšulskeje staroby hač do 6. lětnika su sobotu, 3. oktobra, na projektowy dzeń pod heslom „Starkmachtag“ do Chrósćic přeprašene. Dzeń zarjadowuje dekanatne dušepastyrstwo we Worklecach zhromadnje z dušepastyrstwom dźěći Drježdžansko-Mišnjanskeho biskopstwa. Nadrobnošće zhonja zajimcy z plakata a z wupołożenych flyerow w cyrkwjach kaž tež pod www.posol.de. Přizjewjenja přijimuju so hač do štwórtka, 24. septembra, pisomnje w dekanatnym dušepastyrstwje we Worklecach, Młynski puć 4.

Kubłanski dzeń za 7. a 8. lětnik

Pod heslom „Derje je, zo mam přecela – wo lubosći a tajkich wěcach“ přeprašuje dekanatne dušepastyrstwo šulerki a šulerjow 7. a 8. lětnika sobotu, 10. oktobra, wot 9 do 16 hodź. do Don Boskowego domu we Worklecach. Referentaj budžetaj na tutym polu wukubłanaj mandželskaj Brücker z Drježdžan. Dalše informacije dóstanu zajimcy w interneće pod www.teen-star.de. Přizjewjenja přijimuju so hač do wutory, 6. oktobra, pod telefonowym čisłom (03 57 96) 8 87 07. Přinošk wučinja na wobdźelnika štyri eura.

Wjacednjowska jězba za džěci 5. a 6. lětnika

Na pućowanje po slědach swjateho Bena a na wotkrywanje dalších zajimawostkow kónčiny wokoło Mišna přeprošuje dekanatne dušepastyrstwo džěci 5. a 6. lětnika wot póndžele do štwórtka, 12. do 15. oktobra. Za jězbu zběra so wot kóždeho wobdžělnika přinošk we wysokosći 65 eurow. Zajimcy njech so prošu hač do štwórtka, 1. oktobra, pod telefonowym čisłom (03 57 96) 8 87 07 we Worklecach přizjewja.

Kofej w třoch w Serbskim muzeju

Přichodny Muzejowy kofej budže srjedu, 23. septembra, w 15 hodź. w Budyskim Serbskim muzeju. Do swačiny poskići nawodnica muzeja Christina Boguszowa přednošk k temje „Što wobrazy nam powědaja – Bilder erzählen“.

Eksercicije w Drježdžanskim Domje Wysoke duby

Dny rozpominanja a modlenja wotměja so wot pjatka, 30. oktobra, we 18 hodź. hač do njedžele, 1. nowembra, w 10 hodź. w eksercicijnym Domje Wysoke duby w Drježdžanach. Jezuitski pater Willi Lambert je k temje „Z wutroby žiwy być – Haj k Lětu smilnosće“ přewjedže. Wón budže w němskej rěči přednošować, modlitwy a kěrlušy budu serbske. Dny rozpominanja maja wěriwym pomhać, z duchownymi impulsami, wosobinskim modlenjom, rozmołwu a Božej mšu žro Jězusoweho ewangelija spóznać. Přizjewić měli so zajimcy w Chróscicach na farje, telefonowe čisło (03 57 96) 8 04 00, w Haus HohenEichen, Dresdnerstr. 73, 01326 Dresden, telefonowe čisło (03 51) 2 61 64 10. abo z mailku na info@haus-hoheneichen.de.

Pytaja młodžinskeho referenta

Za dekanatne dušepastyrstwo młodžiny we Worklecach ma so tak spěšnje kaž móžno referent respektiwne referentka ze socialnopedagogiskej abo teologiskej kwalifikaciju přistajić. Wuměnjenja su dobre znajomosće w młodžinskim abo kubłanskim džěle, wobknježenje serbskeje rěče, zwólniwość, tež wječor abo kónc tydženja džělać a přezjednosć z nadawkom, službu a žiwjenjom katolskeje cyrkwy.

Džělowe městno je w Don Boskowym domje we Worklecach. Zrěčenje je na dvě lěće wobmjezowane. Pisomne požadanja přijimuje hač do štwórtka, 1. oktobra, biskopski ordinariat, personalny wotrjad, Käthe-Kollwitz-Ufer 84, 01309 Drježdžany abo z mailku na bewerbung@ordinariat-dresden.de. Štóž ma prašenja, njech zazwoni na młodžinskeho dušepastyrja biskopstwa, fararja Ralpa Kochinku, telefonowe čisło (03 51) 3 36 47 16.

Putniska jězba do Mariazella

Za putnisku jězbu wot póndžele do soboty, 12. do 17. oktobra, do Mariazella w Awstriskej móžeja so hišće zajimcy přizjewić. Přenocowanje je stajnje w Mariazellu. Jězba powjedže tež k benediktinskimaj klóštromaj Melk a Admont. Zapřijata je tohorunja parnikowa jězba po luboznej krajinje Wachau. Přizjewić móžeće so pola Šmitec w Radworju, telefonowe čisło (03 59 35) 28 60.

T. Kubašec